

# 北洋官報

目錄

宮門抄 上諭  
 奏議○學部奏覆福建中等蠶學獎案摺△吉撫陳奏裁  
 改旗缺分設提調承辦情形等摺  
 摺片十則  
 奏摺○督憲札一件△藩司詳一件△銀錢所詳一件△  
 本局稟二件  
 文告五則△發輔五則△各省四則△譯電五則  
 彙編○河南諮議局議決案  
 已酉官報目錄

本局 第一百三十期 政法學報 已出  
 本日 增刊 己酉 官報 目錄 一頁

現刻北洋同官錄各處履歷尙未來齊務望於二月內送交敝局以便三月初旬一律印刷  
 本局謹啟

## 宮門抄

二月初十日 內務府 八旗兩翼值日 山西按察使王慶平請 訓 朱彭壽等謝轉補各缺 恩  
 廣綺等謝查城大臣 恩 志銳 余炳文預備 召見 內閣奏派驗放王大臣 派出那王 倫  
 貝子 張英麟 陳邦瑞 召見軍機 志銳 王慶平 余炳文

## 上諭

二月初十日內閣奉

上諭廣西潯州府知府員缺著張官劭補授欽此

## 奏議錄要

學部奏遵議福建中等蠶業學堂畢業獎勵摺

奏為遵議福建中等蠶業學堂畢業獎勵恭摺仰祈

聖鑒事上年九月二十五日內閣鈔出閩浙總督松壽奏

福建中等蠶業學堂本科第一期畢業學生照章請給獎勵一摺奉 旨該部議奏欽此欽遵鈔交到部原奏內

稱福建中等蠶業學堂係光緒三十三年遵照學部奏案將農桑局之原設實業學堂改定今名歸提學司管轄辦理所有學生當農桑局考取之初本係從嚴選錄嗣改名中等蠶業復經甄別必與高等小學畢業學力相等方予留堂並遵學部原奏延長學期將原定本科二年畢業改為三年增多授課時間以期完善茲該堂本科第一期甲班學生自光緒三十二年正月入學扣至三十四年十二月修業屆滿三年業由提學司舉行畢業考試並參核各學生歷學期積分與畢業分數總計平均得八十分以上者列為最優等七十分以上者列為優等六十分以上者列為中等按照奏定中等實業學堂獎勵章程最優等應給獎拔貢優等應給獎歲貢懇照章核獎以勸實業等語並續准該督咨送各生履歷分數表冊到部查該省中等蠶業學堂原定二年畢業經臣部於光緒三十二年奏准飭令延長學期在案現在肄業已滿三年與臣部奏定中等農學堂畢業年限相符表載各科課程揆之定章尚屬符合惟修身博物物理化學農學大意蠶業泛論蠶體解剖桑樹栽培製絲土壤肥料等學科咨到分數表雖經載有歷學期分數而畢業時未經考試與定章微有未合因即電行該省飭令補考茲准該督將補考各科分數與原考各科分數統計平均編訂畢業分數表冊咨到臣部臣等按照奏定各學堂考試章程及奏准改定分類教授之中學堂主課分數分別降等辦法詳細核議所有畢業分數在八十分以上應列最優等之鄭中磯鄭羣陳玉柯廷濟李培菁張登瀛等六名擬請照章作為拔貢畢業分數在七十分以上應列優等之蔡宗誠劉光葵陳其賓等三名擬請照章作為優貢畢業分數在七十分以上因所習主課按其科目計算不滿六十分者

居五分之一應降中等之李福麒及畢業分數在六十分以上應列中等之黃遜駿陳曰煜李士勳等四名擬請照章作爲歲貢均升入高等實業學堂肄業其不願升入者如年在二十五歲以上照章各按等第以州判府經主簿分別分省補用不能作爲拔貢優貢歲貢所有遵議福建中等蠶業學堂畢業獎勵緣由謹恭摺具陳伏乞皇上聖鑒再此摺因補考學科展轉需時是以議覆稍遲合併聲明謹 奏宣統二年二月初五日奉 旨依議欽此

### 吉林巡撫陳昭常奏裁改旗缺分設提調承辦情形並裁缺各員酌予出身摺

奏爲裁改旗缺分設提調承辦情形並請裁缺各員授案酌予出身以示體恤恭摺仰祈 聖鑒事竊吉省各城副都統員缺前經奏請裁改並聲明各該衙門原設筆帖式等缺均酌量裁併請援照上年裁缺成案酌予出身等因奏奉 諭旨允准在案伏查吉省爲 王迹肇基之地數百年來皆以軍府之規兼旗民之治故政尚清簡自改行省政務日繁添設民官事權各異而旗民習俗不同一時尙未融洽設驟歸民官管理則事涉更張深虞操切蓋旗官辦事皆以副都統爲總機關此時既經裁撤所有旗丁餉項旗戶生機及親戚遺產相續等事尙未能與齊民一律辦理勢不得不酌留協佐以下等官清理其事而平時既少統率遇事無所稟承亦殊非計現既設有旗務處爲全省機關自應飭旗務處酌派提調分駐原設副都統所在卽定名爲某地旗務承辦處提調刊發木質關防以昭信守遇事稟承旗務處長官直接公署辦理所以暫設提調者原爲逐漸變通起見並非設官分治也而權限不先劃清又恐彼此無所歸宿經臣妥爲酌議有可以卽歸民官者如租賦詞訟凡一切地方公務皆是也有應歸提調承辦者如陞轉革休卹賞襲廢派差挑兵皆是也有應與民官會商者如調遣軍務籌畫生計以及民旗交涉之案是也儻不與道署同城應由提調分報兼轄之道署辦理業已訂有章程分飭遵照惟變通旗制定限八年雖未奉有部章而爲期甚促與其屆時驟革有積重難返之勢何若先事籌備爲潛移默化之方茲查五城副都統衙門附設各官如倉官筆帖式銀庫筆帖式以及滿教習等官均有應管事件一時未便裁撤其原有之印務處額設筆帖式八缺委筆帖式四缺左右司額設筆帖式二十二缺委筆帖式十一缺承辦處額設筆帖式四缺委筆帖式二缺富克錦協領關防處額設筆帖式二缺與司處各差名實既不相符自應一律裁撤計共裁六十三員缺卽

所留協佐以下各官嗣後遇有出缺亦概行停補惟念各員從公有年不無勞動遽投閒散未免向隅擬請援照上年奏准裁撤各司主事筆帖式等缺歸部選用酌予出路成案各以對品官階分別歸部選用其未經改就以前仍請給予原俸如有陞階者並請按照陞階辦理以示體恤除將各員出身履歷咨送吏部查核並分行外所有裁改旗缺分設提調承辦情形並請裁缺各員酌予出身緣由是否有當謹會同東三省督臣錫良恭摺具陳伏乞皇上聖鑒訓示謹 奏宣統二年二月初六日奉 硃批該衙門議奏欽此

**摺片摘要**

農工商部奏安徽大通地方設立商務總會請給關防事二月初八日奉

又片奏遵設憲政籌備處酌擬辦法事同日奉

又奏覈覆豫省黃河兩岸八廳各工用款報銷事同日奉

郵傳部奏安徽鐵路總理擬派蒯光典接充事同日奉

又片奏派水鈞韶接充汴洛鐵路總理並留部補用事同日奉

直督陳奏津海秦王島兩關百九十五結洋稅收支數目摺同日奉

又奏津海關百九十五結藥釐銀兩數目摺同日奉

又奏奉到 皇太后徽號 寶詔日期摺同日奉

又奏高邑令倪鑑試暑期滿請實授片同日奉

又奏請 賞給日員中島軍次郎寶星片同日奉

**督憲陳札飭陸軍糧餉局仍暫設專局並加增財政總匯處坐辦津貼文**

為札飭事照得直隸經管財政各局所前經遵 旨統籌劃一辦法飭將海防支應局准軍銀錢所陸軍糧餉局練餉局一律歸併改設財政總匯處派委藩司為總辦張運司為幫總辦並分設海防糧餉准軍糧餉陸軍糧餉練軍糧餉四股每股各派坐辦一員幫坐辦一員暨將籌款局改為籌款股歸併藩司經管派委坐辦一員幫同經理

旨依議

旨憲政編查館知道

旨知道了

旨依議

旨依議

硃批該部知道單併發

硃批該部知道單併發

硃批禮部知道

硃批吏部知道

硃批允行外務部知道

嗣因印花稅局事宜照章應由藩司或相當局所附設又經本部堂飭將該局裁撤附入籌款股併辦各在案事關統一財政改革伊始考察不厭求詳籌款印花稅兩局既經歸併設立專股款目較繁自應一併隸於財政總匯處以昭劃一並加派朱道崧生爲籌款股幫坐辦月支薪水銀一百五十兩由該股支發糧餉局專司陸軍二四兩鎮軍餉與他項局所不同應暫設立專局仍照案派委張運司爲總辦毋庸開支薪水田道仍充坐辦鄧道仍充幫坐辦會同辦理俾專責任其按月收支款目應仍造冊咨送藩司查核用收統一之效至財政總匯處坐辦各道員責任繁重原定薪水銀二百兩不敷辦公應再各加夫馬銀一百兩以資津貼除分行外合行札飭札到即便遵照此札

藩司詳候補人員差委統計表由各本管填齊送司彙辦文並批

爲詳明事案查宣統元年八月十四日蒙 前憲台端札開宣統元年七月二十七日准 吏部咨開文選司案呈所有本部遵 旨妥議立憲籌備事宜開單呈 覽一摺於宣統元年閏二月二十七日具奏本日軍機大臣

欽奉 諭旨吏部奏擬籌備事宜按年開列繕單呈覽一摺著憲政編查館知道欽此欽遵在案查單開宣統

元年應辦事宜內稱行令各省造送各項實缺人員任卸調署統計表各項候補人員差委入學統計表全年所見

員缺及請補人員統計表均限於次年二月內到齊以上一條應即以本年爲始嗣後按年一造等語應即通行各

省按照單內開列各項分別造具統計表於宣統二年二月內一律咨送到部並嗣後按年按期照造送部以備查

核事關憲政相應咨行貴督欽遵辦理可也等因到本督部堂准此除分行外合行札飭札到該司即便遵照辦理

此札藩學臬運四司等因到崔前司當經分別咨札遵照並另擬表式刷印分送各在案本司到任檢查各處填表

送司者甚屬寥寥而距二月內一律送部之期爲日無幾此事應填員名非常繁多散在各處本衙門查不勝查催

不勝催勢必延誤關係非輕查 憲札本非專責本司一處自應分任其責以期迅速所有鹽務實缺人員任卸調

署又鹽務候補人員所委長差又鹽務全年所見員缺及請補人員統計表擬請均由運署分別查填又各項候補

人員入學統計表擬請學署查填又河工候補人員所委長差統計表應請各河道查填統於二月初一日以前一

律送司彙呈其餘均歸本司查填庶各有責成事易齊集其本司應查之各項候補人員所委長差凡在順天者應



責成大宛二縣在省城者應責成清苑縣外屬者應由司分電各府廳直隸州在天津唐山臨榆各局所者應由司開單委員挨催各分別查明填表亦統限二月初一日以前一律送司除分別移札遵照外擬合詳請 憲台查核爲此備由具呈伏乞 照詳施行

督憲陳 批據詳已悉此項實缺候補人員差委統計表前准部咨飭令查明限於本年二月內一律送部現在期限已屆尙未查報事關憲政勿再耽延仰即迅速分別電催尅日查明由司彙案依限詳咨此繳

淮軍銀錢所詳奉飭裁撤各員及親兵薪餉截至正月底停支文並批

爲詳報事竊照本年正月二十一日奉憲台札准 度支部咨宣統元年四月初六日奉 上諭嗣後各省出納

款日除鹽糧關各司道經管各項按月造冊送藩司或度支使查核外其餘關涉財政一切局所著該督撫體察情形予限一年次第裁撤統歸藩司或度支使經管即由各督撫飭該藩司等將全省財政通盤籌畫認真整頓等因欽此查直隸關涉財政局所應即一律裁併所有淮軍銀錢所應改爲淮軍糧餉股派直隸藩司爲總辦長蘆運司爲幫辦謝道嘉祐爲該股坐辦至該股辦事規則應如何分別訂定以期有條不紊原在各局之員司人等應如何分別裁留以期款不虛糜統由藩運兩司會同各坐辦和衷商榷妥籌辦法刻日詳奪凡有應行停給薪水均截至正月底止一律停支具報札所遵照毋違等因奉此職所當即遵與藩運兩司會商先將在所員司人等銜名繕摺由張運司呈蒙憲台批示計裁提調朱直牧昌琦報銷提調許牧定基稽核冊籍委員余訓導建侯文案委員褚令德彛報銷委員周直牧文海龔州判乃侃稽核餉項兼庶務委員周縣承德容差遣委員劉司務員吉吉等八員又護庫親兵兩棚等因自應遵照辦理所有奉裁各員並親兵兩棚原支薪餉連同潘道陸先吳道家修及職道嘉祐原支坐會辦薪水共計月支銀一千一百六十二兩八錢遵即一併截至本年正月底止註冊停支除將股內辦事規則會同藩運兩司妥商釐定並撤局日期分別另文詳報外理合先行具文詳報憲台鑒核爲此備由具詳伏乞照詳施行須至詳者

督憲陳 批據詳已悉繳

本局稟請札飭各司道局所將專用紙品暨程式用數呈候核定轉發照印文並批

敬稟者竊照職會同藩運兩司具詳官紙印刷歸併官報大概辦法一案蒙 憲台批開據詳設立印刷局承印直隸一省官商紳民所冊各項紙品所擬章程尙屬妥協應准照辦仰候程式核定後每一類出版即隨時呈由本大臣核准再由該司局移行通飭各署局遵照其摺內所列各署局專用之品信用之據應由該司局移行各司道局所擬定程式交該局辦理以歸一律仰即遵照繳摺存等因奉此自應遵照辦理惟查專用之品悉爲信用之據並與法律政治有重要之關係自不得不亟求改良第欲限期通行俾歸一律職局實無此權力是以職局詳定大概辦法第六條內甲目至午目臚列各署局專用之品曾經聲叙應請 憲台札飭各司道局所擬定程式並將按年按月應用總數逐細開報詳請發交職局代爲承印收回工本並不另售等因在案現在奉准照辦自應按照詳定辦法仰懇 憲台迅賜札飭各司道局所各將專用之品限一月內速擬程式並將按年按月應用總數一併開列稟請 核定發交職局代爲承印隨時繳價領用自頒行日始如有逾期仍用舊式者概不作准以免歧異而昭整齊除俟奉批再分別移行外理合先將各署局專用之品開具清單呈請 憲台查核俯賜 批示祇遵並請通飭各署局所遵照辦理實爲公便再單開各品係屬大概情形其各署局專用物品有爲原單未及列者均應照辦以歸一律合併聲明肅稟虔請 鈞安伏乞 垂鑒

謹將各署局專用之品繕具清單恭呈 憲鑒 一藩署之有關糧稅各項票簿 一學署之圖書表冊及有關學務各項簿籍 一臬署之有關訟獄各項冊籍 一運署之運單執照竈課及有關鹽務各項簿冊 一海關道署新鈔兩關之稅單護照及各項簿冊 一通永道署所轄稅關之稅單簿冊 一通永道 清河道 永定河道暨各管河衙門之河淤租課 一釐捐局 直隸貨捐總局 北段火車貨捐局 開平煤礦稅釐局 井陘煤釐局 直隸漁業公司 臨城煤礦稅釐局之各項捐票簿冊 一籌款局之煙酒捐票簿冊 一捐務局之車捐票門牌照房舖捐照曉市夜市等項捐照簿冊 一土膏統捐局之捐照簿冊 一天津南北段巡警局 保定警務處 保定巡警局暨所轄各州縣巡警局之傳提各票戶口牌冊 一工程局之造房取土各項執照簿冊 一礦政調查局之礦稅各照簿冊 一高等審判廳 地方審判廳之印花呈詞狀紙暨拘傳各票 一習藝所之箕斗冊 一籌賑統捐局之實收簿冊

督憲陳 批據稟已悉仰候分行遵照辦理此繳

本局稟請札飭各府廳州縣將應用官紙呈候轉發交局詳擬程式文並批

敬稟者竊職局會同藩運兩司具詳官紙印刷歸併官報大概辦法業奉 憲台批准照辦在案伏查職局詳定辦法第六條西目內開各州縣之丁漕串票征冊紅簿解批屍格差傳票紙點單呈詞狀紙保結係州縣通用之品均與行政司法關係重要規制不一易滋弊端應請 憲台通飭各州縣迅將各項舊式並按年按月應用總數詳請發交職局詳擬程式稟候 核定照印通行如定期實行後仍用舊式者分別議處等語現在奉准開辦自應按照詳定辦法仰懇 憲台通飭各府廳州縣各將通用舊式品物及應用總數限一月內詳覆 憲台轉發職局以資參攷再由職局酌擬程式稟候 核定照印通行俾全省均歸一律以垂定制而杜弊端除俟奉批再分別移行外理合呈請 憲台鑒核俯賜 批示祇遵並請通飭遵辦實為公便肅稟虔請 鈞安伏乞 垂鑒

文告錄要

資政院速記學堂告示○為示知事照得本學堂招考速記學生現定於本月十三日上午十一鐘至下午五鐘借用 學部考院考試所有報名投考諸生務於是日上午十鐘便服親到 學部衙門間壁考院各攜中外筆墨禁帶一切書籍聽候點名給卷毋得自誤切切特示

農工商部批示○六合溝煤礦公司稟 批前據呈請咨行直隸總督轉飭高邑縣將煤車捐停止一節當經本部

據情咨行直督酌核見復去後茲准復稱該縣所擬車捐辦法既已明定章程概令出自車戶並不自貨商即煤車一律抽收自與煤商毫無干涉而買煤之時即不必扣此車捐該公司所稱買煤者因有此捐必須於煤價中扣出始成交易等語實屬非理妄執且經一再飭委查明與部章尚無歧異應請仍照原擬辦理等因前來查高邑縣車捐已經核減當經本部批飭遵辦在案茲准直督咨稱前因本部詳加核閱均屬實情仰該公司仍即遵照前批辦理勿再瀆稟此批

督憲批示錄要○北洋高等巡警學堂稟畢業學員王國瑛遺失文憑請飭巡查並可否補給請示由 批據稟已



悉查該堂第五期畢業學員王國瑛搭坐火車遺失文憑應准補給仰即由堂照備一分呈候鈐印頒發並候行京漢鐵路局轉飭巡查一俟將所失文憑查獲即行呈請註銷此繳○東鹿縣馮宗岱稟公舉胡廣輝充勸學所總董並設副董視學由 批稟摺均悉仰提學司查核飭遵繳○東鹿縣馮宗岱稟附生王錫慶阻撓學務請示懲由 批據稟該縣公舉勸學總董於開正式投票會之時該附生王錫慶輒敢捏詞阻撓頂撞官長如果屬實自應懲儆仰提學司查明稟辦鈔由批發

直隸師範學堂牌示○本堂附屬中學此次考取新班尚缺額十名擬再補行招考定於本月初七八九等日報名初十日早八點鐘考試所限資格如前茲不另示

直隸法律學堂牌示○照得本堂征收自費生學費原因款項支絀而起欲維持公益即不能不藉資公費是以明定章程凡過兩期(即六個月)不交學費者應即退學查自開學至今短欠學費者為數尚多本堂屢次出示催交不啻三令五申該生等竟視若具文其中有實係貧苦者固亦有人而素行浪費圖自己之私用不以公益為重者亦在所恒有自此次出示之後至本月十五日為止將短欠學費過兩期者悉數清查即於十五日以後再行揭示無論是否貧苦或浪費者均照章令其退學決不再予寬限其短欠尚少者亦望從速交納以維大局而顧公益是為至要仰各遵照勿違切切特示

### 畿輔近事

官場紀要○濤貝勒於昨日早九點鐘由京抵津即赴塘沽換坐海圻兵艦赴外洋考察軍制 督憲率同司道以下文武印委各官赴新車站迎送如禮○法國公使馬格理君駐津法領事甘司東君前日赴院拜會 督憲隨於是晚六點鐘出轅赴法領事署答拜○督憲札委朱觀察崧生保定籌款股幫坐辦差於前日赴院謝委○永定河道呂觀察珮芬由任來津前日赴院稟見

直隸京官請撥翰林津貼○督憲於二月初五日接准直隸京官呂尚書孟丞堂函開翰林一官供職詞垣清華勵品自科舉既廢外差停罷木天景况益覺清寒近來各省每由地方官別籌津貼如湖北湖南安徽江蘇浙江河南廣東山東等省均有津貼一項或三四千金或五六千金不等廣東則因人數較多按年解銀八千金并以此

數作爲定額指款籌撥吾直事同一律敬懇我公援各省成案籌撥直隸翰林常年津貼以資補助查吾直隸翰林除告假在籍及在外游學者不計外實在館供職者已二十一較粵省翰林人數尙多擬請酌量增加辦理等因當卽札飭運司等略以查翰林清秩自科舉停止以來清苦特甚廣東等省既籌解津貼直隸事同一律人數尤多擬卽自本年起每年籌撥銀一萬兩作爲定額以資補助應由運司籌銀四千兩支應局銀錢所各籌銀三千兩除函復并分行外合行札飭云云

申報接收軍糧城法兵房○督憲據天津縣胡大令商彝申稱竊於宣統二年正月初七日蒙憲台批據卑縣稟遵飭會同接收軍糧城法國營地兵房請轉飭甯河縣迅派巡役管理由蒙批據稟已悉候咨順天府尹轉飭接收並將地契二紙札發甯河縣存案備查卽由該縣將收回地畝派役妥爲管理以專責成仍將接收日期具報核咨此繳等因蒙此卑縣當經函致甯河縣迅卽派役妥爲管理在案茲據卑縣看役稟稱前奉諭令看守軍糧城法國兵房今於正月十八日早七點鐘蒙甯河縣派去家人馬姓帶同甯河縣巡警將身等看守兵房眼同南段巡警總局隊官交代清楚並無不清之事現請甯河縣名片一紙回呈等詞稟覆前來據此卑縣覆查無異擬合將甯河縣接收收回軍糧城法國營地兵房日期具文申報憲台核咨云云已據情咨呈大部查照矣

巡警總局傳單照錄○天津南段巡警總局傳飭各局區應辦事件列下 一現值天氣晝暖夜涼各局區隊崗警所穿軍衣似應量爲變通以重衛生擬於本月初六日起由早九點至晚六點穿棉袍皮靴由晚六點至翌日早九點仍穿皮袍毡靴 一本月初四日開操各局聯隊每日上午十點至十二點分甲乙兩班輪流在總局合操每逢禮拜一三五等日爲甲班聯隊合操之期禮拜二四六等日爲乙班聯隊合操之期其餘丙丁戊己庚辛壬七班長警每日下午一點至二點半各在該局區認真操演以重操防 一各局區設立講堂現已開課各局官弁檢事擔任科學認真講授其新募巡警教授功課尤爲緊要務使各有心得日求進步 一整頓警察以巡警程度爲根本招募巡警須以身體強健文理通順者爲合格不得以不合格之人濫行送驗以期辦事明敏耐勞苦庶可徐圖進步 一近來流民乞丐甚多亟應按照去年查送乞丐章程辦理查棲流所現有乞丐四百餘名擬請知會賑撫局按縣分別遞籍各局區再行查送以靖地方而保治安

天津縣董事會議覆說帖○郭式如爲租河淤灘地說帖 議覆說帖閱悉請來會議租此答○張炳文等爲請借給芥園廟房創設學堂說帖 議覆說帖閱悉候函請南段巡警總局核辦俟覆到後再爲佈告此答○于筱泉等爲請施挽救以便衛生事 議覆說帖閱悉候函致工程衛生兩局辦理此答○于筱泉爲認租南門內地畝說帖 議覆說帖閱悉俟游藝園劃清界址儘先議租此答○李恒泰爲請免租說帖 議覆說帖閱悉候查明再爲核議此答○丁寶俊爲租地蓋房說帖 議覆說帖閱悉候調查明晰再爲議租此答○郭長茂爲再申請辦理學堂經費說帖 議覆說帖閱悉已據情申請府尊查核辦理矣俟奉批再行布告此答○劉俊林爲佃地損害難保實業請勘地說帖 議覆說帖閱悉候調查明晰再爲核議此答○陳右賢爲請催償房價說帖 議覆說帖閱悉候函催電話局辦理此答

## 各省近事

天足會組織第二女學○江蘇鎮江府天足會第一女學已於去歲秋間設立茲悉該會發起人李雁湖君等公同商酌擬在打索街續設天足會第二女學以冀推廣教育暫借鄒氏女塾舊址爲校所學額以三十名爲限學費每月收洋五角定於二月初旬開學 錄上海新聞報

籌議擇地建築女校○蕪湖安徽公立第一女學開辦已屆四年成效可觀迄今尙無校舍前經關道李梅坡觀察擬將警局稟奉批准充公之出世菴改建女學校當即照請皖南教育會決議以便飭撥在案刻由該會邀集女學校管理員協商以該校半係走讀女生自以城內爲宜出世菴僻在東門城外往返維艱且興造蕪屯鐵路車站相近尤非所宜決計仍用城內夢日亭公地建築惟該地內有蕪采營地火藥庫一所仍懇移請道台迅賜飭遷以便興工而免危險等語現已經教育會移請李觀察飭遵矣 錄申報

憲政研究分會之成立○山西襄垣縣紳學界二十餘人遵照集會結社律創設憲政研究分會公推連紳篤敬充會長苗紳雨潤充副會長對於省垣總會爲分立機關公議以此次作爲模範議事會劉大令提出議案其內容有五 甲提倡自治 禁煙照諮議局議案實行其查禁私土即歸自治事務所擔任並公推郝紳尙德協助一

切 乙振興實業 創設農會附設農事試驗場推舉農工商部農場一等司事邢廷輔爲臨時總理並擴充  
工藝局 丙改良風俗 襄垣婦女首飾用銀每年糜費不下數萬金公議限本年六月底禁絕由城而鎮而鄉  
由官出示嚴禁 丁整頓警務 籌辦四鄉巡警城內則清理街道安設道路燈 戊維持女學 添招新班並  
飭女學實行天足 錄并州官報

札造新政進行表○浙撫增中丞近日札飭臬司李廉訪畧謂憲政進行貴有秩序方可遵循查本年憲政籌備清  
單所有關於省城及商埠等處各級審判廳年內一律成立均宜預爲規畫依期興舉本部院衙門現設憲政籌  
備處更特設統計一科有綜核全省憲政進行之責應由該司將如何進行辦法先行擬議分別事類期限或以  
事爲綱或以日爲綱造具進行表詳報本部院交由該處各科員悉心查核呈候核飭遵行以免貽誤云云 錄  
上海中外日報

譯電錄要

曼國自立先聲○倫敦電云歐洲南部曼德尼葛魯國政府各大臣提議擬仿照布加利亞國成例爲自主之國

美國注意郵政○倫敦電云華盛頓消息美議院商務議員提議訂立表式知照管理郵政大臣將由美國至中國

日本澳大利亞非律賓并南美洲等處之郵費加增

預備歡迎美前總統○倫敦電云英京協會提議俟美國前總統盧斯福氏行抵英京時以英京自由崇銜贈之并

在曼森公所設筵款待以表歡迎

奧報注意巴洛堪交涉○倫敦電云奧京報界對於巴洛堪半島交涉甚爲注意謂土布兩國邊界防軍交關甚爲

可慮恐提起俄國干預巴洛堪半島交涉云

波相辭職之原因○倫敦電云波斯國首相與內務大臣辭職聞其辭職之原因係爲俄軍駐紮問題現得確實消

息謂該大臣辭職實因籌借英俄兩國國債問題內閣各員對於此事意見不合

美人籌辦善舉○紐約電云美國慈善家魯克福爾氏籌設善堂收養貧民一節已紀前電茲聞魯氏擬自將美孚

煤油公司經理一席辭退專行籌畫備款辦理善堂之事

兩河夾道間農人用水車灌溉種稻無多必應將索須河故道大加疏濬再於相近之京水北岸跨據河堤建立斗門多開溝渠分導京水支流以便引入其有地高而水不能及者宜於河中作棚排木障水引令旁出或用西人所製之龍尾車汲水更覺便利此整頓索須水利推廣稻田之情形也京水河流暢旺較索須大至數倍惟近年決口南下橫溢爲災兩旁種稻雖多而時被淹沒亦宜開挖故道築堤障之使水東流以殺其勢南岸開渠數道再於開渠口門用磚砌涵洞以備啓閉則稻田之獲利必日多加此整頓京水推廣稻田之情形也至如鄭州南境之十八里河潮河小金河諸水大概田稍高而水微下現在攔河壅水引溝灌稻收利頗鉅農人已日事擴充其京索金潮諸水總匯於鄭州東北境者即名賈魯河出鄭州界近河兩岸半飛沙不毛殊與種稻不甚相宜應請先由鄭州天然宜稻之區責成地方官會同該處自治會設法集資就原有之水利稻田極力整頓擴充以爲各屬模範餘凡近河之地一律札飭地方官督率紳董組織農會確切調查所有宜稻之地先行舉辦試驗場俾農人觀摩仿效則大利所在自不待驅策而已趨之若鶩矣

一議決彌補州縣虧累以期盡心民事案 現時我國政界有最難解決之一問題則州縣之虧累是已我國之州縣其設置也不自今日始何以前此不虧累獨至今日而始虧累乎則銅元充斥銀價昂貴提款太多徵不敷解之結果也州縣所居地位爲我國下級地方行政之長官負荷至重一舉一動皆與民人有密切之利害關係果使入不敷出辦公竭蹶勢必自好者潔身引退不肖者貪墨敗常誠有如原案所慮者竊謂欲解決此至難之問題當從兩方面著想 一爲對於國家根本計畫之建議 一爲對於本省暫時補救之方法 何謂根本計畫夫設官必當制祿此固古今中外之通例也我國官吏俸祿至爲微薄大縣廉俸合計不過千餘金小縣八九百金而又扣提二成而後與之一切公私用度皆出其中試問如此區區之數足敷何項之支銷又况百里之大萬事責備於一人之身服官必限隔省舟車逆旅之所耗損曷可勝計事多則用繁道遠則費重其不能不仰給於平餘者勢也夫平餘一事在政治上本屬剝民蠹國不法暗昧之行爲乃竟公然形諸奏牘著爲令典尙復成何政體故平餘者無論爲蠲萬不容再留貽於憲政發生之時代顧既奪其平餘自應更籌他款以爲彌補此固理勢之所當然而不可須臾緩者也世之議者論彌補州縣虧累之法有二 (甲) 劃定幣制 (乙) 酌給公



費 夫虧累由於銀價昂貴銀價昂貴由於銅元充斥似幣制一定則銀價即平銀價既平則虧累自無殊不知州縣平餘之所以或贏或絀全由於銀價之有漲落銀價低則平餘豐銀價高則平餘減荷幣制釐訂本位補助各幣循一定相當之率平色既無扣算亦去尙何有平餘之存在是幣制者乃杜絕浮收之弊竇非彌補州縣之虧累也至若酌給公費其說似公允矣然公費性質與制祿異制祿者所以酬報官吏以恤其私公費者所以支辦衙署行政一切用度也使制祿之法不定而但給公費不知籌定公費時將適如其分量耶抑稍使之有餘耶適如其分量無酬報也有餘而私之是不正名也世界進化行政各費月異而歲不同居今日而爲彌補州縣虧累計僅執幣制公費二說其非完全根本之計畫可斷言也欲完全根本之計畫其法有五 (丙)釐訂官制司法財政皆另設專官規定州縣職任權限使辦理民政公益事件 (丁)州縣分設辦事各科各設科長書記專員皆定爲實官頒給俸祿 (戊)建修州縣辦公衙署每日定准時刻到署辦公其眷屬別住寓所不得仍前共居署內 (己)分俸祿公費爲兩項俸祿專養其家公費則支辦衙署火食紙張筆墨旅費一切用度 (庚)服官不限隔省以節糜費(此款理由關係甚大以非本論範圍所及姑略不具述) 以上五條規定之注意大都在改革官制範圍以內爲憲政預備之必要夫官制者國家行政之機關也世界上無論何種團體未有機關不完不備而能呈敏捷活潑之狀態者我國一切政治進行遲滯其種種腐敗之原因無一不由官制之不良第改革官制範圍甚爲廣大條理亦綦繁密今茲所論限於州縣之一部分深以未能詳說爲憾官制之改革既爲現今政治上重要問題即令州縣並無虧累亦應提前趕辦何況窮弊至此而可徘徊遷延日復一日乎所謂根本計畫者此也何謂暫時補救查州縣每歲出款最多之數不過一萬四五千金而其實在用以辦公者往往未能逾半少或僅止三分之一蓋州縣正當費用大概不出三端一曰束修州縣幕友以刑錢爲最重稍次則賬房其他書啓徵比朱筆墨筆則皆可無者也綜計幕友四五人歲二千金足矣二曰火食州縣庖廚所需民間行店支差者爲多衙署上下人等以六十人計算每人每日約需銀五分歲共需銀一千兩有零三曰雜費州縣紙張均房科供給稟摺信函自行購買者爲數無幾燈油工食瑣碎支銷再加銀一千兩儘可敷用三項計合歲約共銀四千餘兩而簡缺則尙無需此然則其餘所用之款果安在乎彙括言之亦有五類一曰攤捐何爲攤捐如

天津縣董事會申津海關道核議海河工程局擬具辦法礙難照辦文

二十五日

津浦鐵路大臣咨行督憲該路轉運公司試辦簡章請備案文

甯河縣孔令憲邦稟舉辦觀摩會文

豐潤縣馬令爲瑗詳北理珠莊被火情形酌量撫恤文

二十六日

督憲楊爲永屬鹽店被搶札發六言告示飭各該屬擇要張貼文

督憲楊據運司詳口北鹽課收不敷支懇免撥補張家

口鹽稅銀兩咨覆度支部查照文

警務處詳撫甯縣稟巡官裘銘勳等襄辦巡警出力請獎文

長垣縣田令鴻文詳公舉廩生李瑞峯孝廉方正文

二十七日

督憲楊據京奉鐵路局詳德國軍隊交還塘沽打靶地段及房屋札飭海防同知會同接收文

天津縣議事會稟督憲請飭魚業公司核議振興魚業情形文

天津縣勸學所函覆議事會文

山西諮議局籌辦處詳撫院增延檢事員情形文

二十八日

民政部札發核定違警律內未載之現犯抗傳及損毀追償辦法文

督憲楊准農工商部咨飭將津埠各工廠公司查明報部立案札飭工藝總局照辦文

部立案札飭工藝總局照辦文

禁煙局詳嚴定地方官禁煙責成並更正牌照捐及行商牌照與憑條細章請示文

商牌照與憑條細章請示文

天津縣議事會爲學董范士珍等陳訴民困事申請天津道查核文

二十九日

督憲楊准陸軍部咨明考送中學堂應辦各項札行各學堂照辦文

學堂照辦文

運司詳鄧沽設立工藝場常年經費請在二成平價項下動撥文

下動撥文

礦政調查局詳該局事漸增多應添派委員襄理請示文

西河緝私總局王道維藩稟西河種植公司開辦情形並呈章程請查核文

並呈章程請查核文

三十日

督憲楊准豫撫咨直隸山東兩省來豫採辦糧石平糶飭委改赴豫省東南收成豐稔各處採辦札飭賑撫

局查照文

津浦鐵路大臣咨請督憲札委遊擊李祥光管理津浦

鐵路北局機器廠文

天津習藝所爲罪犯游民兩所工師李春永等教導出

力詳請 督憲獎勵文

河南諮議局籌辦處詳撫院擇地包修諮議局工程呈

請飭司籌款備用文

五月初一日

督憲楊准陸軍部咨以徐華清充使俄隨員札飭伍連

德實行代理軍醫學堂總辦文

天津縣董事會申督憲海河工程局承認廢河淤地歸

董事會管理請通飭備案文

藁城縣陳令汝賢稟改編警製造呈圖式預算表暨籌

辦教練所文

初二日

運司詳輪駁運鹽每年所收脚價銀兩除認學堂經費

及各船一切支款外餘銀發商請立案文

清河縣梁令成哲稟整頓警務酌改局區巡所文

初三日

天津縣議事會函覆津浦鐵路大臣勘設車站情形文

天津董事會申津海關道查明海河各村無第二次拔

樹情事並請飭傳石柱三等訊究文

冀州祝牧蒞稟籌農務分會文

晉臬志詳設審判廳事宜文

初四日

警務處詳覆核明東安縣區董張海山捐助警款請獎

一案文

西河緝私局王道維藩稟種植公司仿照大名草帽辦

辦法提倡草辦以阜民財請查核文

吳橋縣呂令調元稟整頓學堂情形文

河南禁煙總公所詳撫院禁煙公所成立擬訂實行查

禁各項章程詳請奏咨立案文

初五日

理藩部咨郵傳部請飭火車站禁運蘆鹽文

督憲楊准南洋大臣咨創辦勸業會派委錢道寶書等

爲直隸省特別調查員札委周前運司等充出品協

會總協理文

初六日

督憲楊准粵督咨爲奏調第六鎮統制趙國賢赴粵統

制新軍事咨明專司訓練大臣鳳都統等查照文

通州巡警第三局局董馬遇莢等稟通境運河鮎魚溝

洩水向無堤壩現擬建築堤壩文

壽同出岳

長春老婦諸虛百損服韋廉士大醫生紅色補丸身體康健精力復原 吳萃英先生者吉林長春家居土商也 本局代表人嘗造其府寒暄之下蒙將其母服韋廉士大醫生紅色補丸獲益之情形欣然相告云○家母身抱沉痾屈指十載血滯氣衰體虛力弱冬衣重裘猶嫌其冷夏着棉衣不覺其熱稍有動作便覺氣喘乏力腦易感觸偶聞聲息膽怯心驚胃口惡劣每逢六月飲茶而外幾不食物四日前又加足腫之患多醫調治服藥無算絕無效驗迨至光緒三十四年四月承長春興亞藥房勸服韋廉士大醫生紅色補丸自服之後諸病若失足腫全消血脈流通



行腦安心絕無驚怯之患抑且面容轉嫩氣力加

長春吳

萃英先

生之母

為韋廉

士大醫

生紅色

補丸所

治愈

增今則竟能手提五斤之物矣僕願人人皆知家母

十年之沉痾確為韋廉士大醫生紅色補丸所治愈

韋廉士大醫生紅色補丸誠能使人壽同山岳也

吳萃英先生之母所患諸症皆由血弱不潔所致韋

廉士大醫生紅色補丸為天下馳名補血補腦之聖

藥故能使之身體復原康強有力是丸亦為天下馳

名醫治 諸虛百損 血薄氣衰 腦筋衰弱 胃


不消化 肝經各病 頭痛目眩 山嵐瘴氣 風

溼骨痛 腎髖痠痛 左癱右瘓 跳舞瘋病 脚

氣衝心 癩癧癰疽 乾溼癬癩 皮膚諸症之聖

藥至於婦科各症服之則更有調經活血之奇功也 韋廉士大醫生紅色補丸中國各處藥局凡經售西藥之處 均有出售或直向上海四川路第八十四號韋廉士醫生藥局中國總發行所購買或向四川重慶白象街分行購 買亦可 價銀每一瓶大洋一元五角 每六瓶大洋八元 遠近郵費一律不取

上海四川路第八十四號韋廉士大醫生藥局啓



丸藥真樣謹防假冒

### 新 啟 告廣司公限有灰洋



啟者本公司係承唐山洋灰公司老廠另購外洋最新式機器旋密等創設新廠自丁未臘月新廠開機以來出貨增加增行銷愈廣灰質經本廠西洋化驗師悉心研究精益求精曾寄由德國國家柏林及日本關東都督府各化驗所驗得勁力堅力及凝結時刻灰之粗細均合要工所用其成色與外洋最高之貨相等尚有機器製造之缸磚花磚洋灰瓦水溝管矸子土等項無論躉零交易均可本公司總理處設在天津海大道英租界並在天津奉天大連煙台牛莊青島上海漢口南京鎮江各埠均設有經售處如蒙賜訂大批價值從廉交貨不悞期限所有洋灰及各種磚瓦等件重量式樣大概用法另刊有華洋文廣告 光顧諸君請向本公司索閱面議一切可也

德律風一千三百零九號

### 利文洋行

本行開設天津上海香港志呢華海參威等處均設有年諸班貨物由外洋本機器廠自造鑲鑽洋鐘皮套鐘天文坐卦等鐘以及金銀夾金銅鑲等表約有二百餘宗並各樣表鍊金銀珠寶鑽石戒指耳墜鑄子表墜大小八音盒並留聲話匣單雙桶千里眼磁蘭磨花穿衣鏡妝梳洋鏡

大小皮包法國洋號又新到轉盤換調話匣八音盒價值格外從廉仕宦官商光顧者請移玉紫竹林法租界本行主人啟

本行開設北京前門外鮮魚口天津估衣街中間路北山東濟南府院西路北自置綢緞紗羅顯繡絨絨洋貨布疋各色喇哩厚呢京廣什貨俱全貨高價廉劃一不誤移玉是幸

### 瑞林祥元記 綢緞洋貨莊

本行開設北京前門外鮮魚口天津估衣街中間路北山東濟南府院西路北自置綢緞紗羅顯繡絨絨洋貨布疋各色喇哩厚呢京廣什貨俱全貨高價廉劃一不誤移玉是幸

### 嶧縣中興煤礦有限公司添招新股廣告

敬啟者本公司前蒙農工商部奏派承參上行走前長蘆運台周到轉調查商籌擴充辦法預算五年內路礦用款出煤噸數並議招新股漕平足銀二百二十萬兩具文呈復旋蒙農工商部札飭本公司邀集舊股東設法招集務於預算年限內每日出煤二千噸之數各等因奉此本公司現已遵札將添招新股章程改訂善呈部奉准立案茲將部札原呈及添招新股章程登告以供公覽其擴充辦法及出煤獲利取息分紅各節均詳周部轉原呈並招股章程毋庸贅述如有遠近官紳商庶願附本公司礦股者自一股至數十百千股均可隨時向義善源慶善銀號洋灰公司河北周公祠後院南鄭宅等處商兌款後先給收銀憑單隨即函告濟南總理處填寫股票摺寄回轉交附股人收執為憑以收足原議之數為截止之期幸勿觀望自失利益特此敬佈



# 奏辦京師自來水有限公司訂期開股東常會廣告

十條內載每年二月各股東在北京本公司開會一次宣布上年盈虧情形預籌本年營業方針是為尋常會議現在本公司甫經售水並無盈虧可言而營業方針亟須預為籌畫以期推行盡利且開辦情形亦應逐細報告茲定於二月二十一日下午二鐘在北京前門內西城根本公司開股東常會報告提議一切事件應請諸位股東於會期前三日携帶股票赴本公司驗明填發入場券屆期即可持券入會如不先領入場券臨時礙難接待謹啓

# 北洋灤州官礦有限公司訂期開股東常會廣告

啓者本公司現屆第二期派利謹擇於二月二十五日下午二鐘假座天津河北李公祠東院罩棚內舉行股東常會應請有股諸君於會期前三日携帶股票赴法租界五號路本公司驗明填給會券屆期即可持券入會如不先領會券臨時礙難接待謹啓

# 啟新洋灰有限公司舉行股東會議

敬啓者本公司現屆第三次派利謹擇於二月十六日下午二點至六點鐘舉行股東會議設海大道英租界本公司總理處務祈有股諸君於是日未刻惠臨集議爲盼  
本公司謹啓

# 督署兩等小學續招學生廣告地址

督署後天緯路北學級 本校分高等初等兩級  
資格 高等以能作短文爲合格初等識字與不識字均可課程 遵章報名自二月初一日起至二月三十日截止本在堂庶務處 考期 三月初一日早八點鐘考高等學生下午兩點鐘考初等學生 學費 不收

# 北洋灤州官礦公司開收第二期股本廣告

啓者本公司原招股本係分兩期核收分填天字地字兩項股票特定期將地字股本收足自本年正月十五日起望持天字股票爲憑以便驗票收款天津本埠以三個月爲限交法界五號路十四號門牌本公司總理處其外埠較遠以五個月爲限仍交各處天津分銀號均先發執照一個月後換取地字股票如逾限不交當查照本公司招股章程第十七條辦理合先登明此啓

# 京奉鐵路局招考廣告

本局現奉 郵傳部札飭在天津地方招考交通傳習所郵電高等簡易兩班學生遵於二十一二十三等日在地方  
 局門考試如有身家清白程度合格願入該所肄業者即於十八日以前備帶相片開具三代年歲籍貫並同的實  
 鋪保來局報名註冊以便臨期分別考試除照章出示曉諭外特此廣告章程附後 郵電班招生章程 一須身  
 家清白年紀在十八歲以上二十五歲以下 一高等班入學程度 一英文會讀四年以上者 二英文論說  
 三漢文譯英 四英文譯漢 五口授英文講義筆錄 六代數至雙位方程式為止 七普通輿地 八理化  
 九國文 除國文論說用中文考試外其代數輿地地理化三門如不能用英文問答者准用中文 一簡易班入學  
 程度 一國文能作三四百字清順者 二中國輿地 三算術 四理化學大意 五英文能作淺近答問者  
 一郵電高等班用英文中文相間教授兼習法文二年授課半年實習共二年半畢業簡易班全用中文教授一年  
 授課半年實習共一年半畢業 一報名考試在京取具(同鄉官印結本旗圖片)在取具殷實鋪戶蓋戳並携  
 帶相片無論錄取與否相片均不發送 一報名考試各生應自揣程度於報名時聲明招考高等班或簡易班分別填  
 冊一通存案 一不設宿舍不備飯食其上海香港漢口考取各生到京時先由傳習所備客棧暫住供給飯食半個  
 月以後概由該學生自理至北京天津考取學生概不供給 一入堂後不收學費所有筆墨抵張及一切雜用品  
 均不發給其教科書及操衣學靴帽均由所備辦該生繳價領用 一各埠考取學生呈具保單志願書後按名  
 給與船票車票來京其餘一切零費概不發給 一入堂後考試成績最優者酌書籍彙器等獎品以示鼓勵  
 電高等班功課表 第一年 第一二學期應授課目 各國郵政章程大概 郵政管理法 甲國內郵便  
 國際郵便 郵便儲金 電政管理法(附各國電政章程) 電氣通信術(附電氣通信機概要) 商業簿記  
 業算學 商業經濟學 交通地理 甲本國交通地理 乙世界交通地理 國文(附應用公牘) 英文  
 文(兼習) 第二年 第三四學期應授課目 各國郵政章程大概 中國現行郵政章程 郵政管理法  
 國內郵便 乙國際郵便 郵便儲金 郵便匯兌 電政管理法(附各國電政章程) 中國現行電政章程  
 電氣通信術(附電氣通信機概要) 各國貨幣攷 商業簿記 商業算學 交通地理 甲木國  
 交通地理 乙世界交通地理 萬國郵政公會之組織及其歷史 萬國郵政之沿革 國文(附應用公牘)  
 英文法文(兼習) 儲電簡易班功課表 第一學期 內國郵政法規 內國郵政管理 國文 外國文  
 外國郵政管理 郵便儲金(法規及管理) 電信法規 電氣通信術 數學 地理 國文 外國文 第二  
 學期 內國郵政法規 內國郵政管理 地理 國文 外國文  
 管理 貨幣攷 電氣通信術 數學 地理 國文 外國文